



Agong, Raja Permaisuri hadir Pesta Kuantan 188

September 3, 2022 @ 11:41pm



Seri Paduka berdua berkenan mencemar duli menghadiri Pesta Kuantan 188, dengan turut diiringi Tengku Hassanal Ibrahim Alam Shah di Menara Kuantan 188, malam ini. - FOTO BERNAMA

KUANTAN: Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah, dan Raja Permaisuri Agong, Tunku Hajah Azizah Aminah Maimunah Iskandariah, berkenan mencemar duli menghadiri Pesta Kuantan 188, di sini, malam ini.

Ketibaan Seri Paduka berdua diiringi oleh Pemangku Raja Pahang, Tengku Hassanal Ibrahim Alam Shah, dan kerabat diraja yang lain.

Yang turut hadir, Menteri Besar Pahang, Datuk Seri Wan Rosdy Wan Ismail; barisan kepimpinan kerajaan negeri; Presiden dan Ketua Pegawai Eksekutif Kumpulan

Hospitality 360 Sdn Bhd, Datuk Omar Naresh Mohan; serta Pengarah Urusan Kuantan 188, Datuk Zulkifli Mohamad.

Majlis itu yang diadakan sempena memuliakan ulang tahun hari keputeraan Seri Paduka berdua, dimeriahkan dengan acara memotong kek dan pulut kuning, selain persembahan bunga api serta 'projection mapping.'

Selain itu, persembahan nyanyian oleh artis tempatan termasuk Aina Abdul, Ara Johari, Man Bai serta Raihan, turut berlangsung di Kuantan 188 yang merupakan menara kedua tertinggi di Malaysia. – BERNAMA